

博野縣志序

上海市歷史文獻圖書館藏

州縣當古諸侯之國古者列國皆有史官紀其國事而不以史名書周禮所載曰邦國之志曰四方之志其見於左氏傳者援志尤

序壹

多繫以地則有周志鄭書繫以人則有仲虺之志與史佚之志他若晉乘楚檮杌一國之典耳吾邱僞撰乃妄加以史之名此無識也春秋得聖人筆削遂

尊進於六經國事不綦重哉漢書別志於紀表列傳文中子譏其記繁而志寡至唐乃有十道志郡縣合百國以成書是周官之遺意也自兩宋迄今郡縣各

序一

自為志是周志鄭書之遺意也志閱時而必修勢也然志以修而精亦或以修而壞故非其人莫屬焉直隸縣志若高陽之脩自孫文正公其鄉先生也靈壽

之脩自陸清獻公其良有司也是皆出自大賢之手聞風而起者雖識或不足學或不逮而奉前憲以爲標準故近時新志往往度越舊志爲其得古作志之

序三

本旨也博野本漢蠡吾地後漢分置博陵而其更名博野者考舊唐書及文獻通考皆指爲後魏之縣則舊志謂東漢以改此名未必是也又縣在宋有寧邊

軍永定軍之名顧乃合稱永寧軍恐亦載筆之訛然此稱名之互異代遠年湮或有難以遽定焉者夫志之作豈惟是悉其山川賦役人文物產云爾哉令長

序四

爲親民之官民事不外富教兩大端康熙壬午恭逢我

聖祖仁皇帝春省畿甸

駕次博野舉

親耕之典而博野以保定一小

邑遂著望於寰區二程夫子之先世居博野者乃其五世以上而鄉人懷賢溯源建二程祠至今載在祀典則是邑之俗樸而風淳孝弟力田其觀感有所自

序五

矣我

朝百餘年來邑令既循良輩出而邑人若尹少宰公設義倉義田立義學皆原本忠孝之意繼自今大化之成我知其必蒸蒸益進於

古也茲縣志輯成其發凡起例訂謬補遺則少宰之子觀察君嘉銓實襄助之其意在有裨政治而不涉乎繁雜浮誕之詞昔孔子稱志有之曰言以足志文

序六

以足言是編其猶知不失此意歟

乾隆三十有二年歲在丁

亥仲春之月

誥授光祿大夫 太子太保都

察院右都御史直隸總督

桐城方觀承書



序七

序

余通籍後即知博野有尹健餘先生及觀
與所著臣鑑講習錄呂語集粹益以幸瀛
洛關閩之學近在

畿輔且先生孝思篤於家善行孚於眾駁歷
中外尤多古大臣風裁意扶輿磅礴之氣
毓秀挺奇而其鄉之習尚亦必人敦禮讓
戶說詩書不知若何之淳以美也惟是博
野一邑夙號名勝而非輪蹄輻輳之區余

博野縣志

卷首 序文

嘗扈從

巡幸又屢賦皇華馳驅於唐山衡水間引領眺
望未嘗一至其地無由採風而問俗烏歲
丙戌恭奉

簡命視學直隸於校士河間時適署縣尹吳君
以所修博野縣志請予為序予見其經舉
目張條分縷析不啻疆域形勝民物風土
宛然在目而其中斥淫祀崇典禮揚善類
更於世道人心大有裨益若吳君者可謂

急先務而勇於有為矣從來邑乘之修或
久於其職始為之為之而又多歷時日始
克成篋吳君攝縣篆甫五閱月而簿書未
遑念切風化推此而見義必為怵他人之
我先可知也興利剔弊百廢具舉可知也
學術經濟體立用行正本澄源禮陶樂泐
可知也且其相與有成者為尹觀察亨山
亨山承健餘先生家學德劭才瞻其纂錄
必信而足徵不亦武城之稱得人乎我

博野縣志

卷首 序文

國家重熙累洽光被四表聲教無遠弗届而
三輔近地觀感倍深所以博水之野名賢
輩出其間之學品卓卓身足垂範有尹少
宰表見於時嗣君復世濟其美紹聞於繼
而里閭之純良閭閻之泐媛與夫涖其邑
而茂績丕著者胥賴吳君之修明臚其事
而傳之於無窮然則斯志也風俗之成書
太平之實錄也夫鄭公之鄉通德之里艷稱
千古是知大化翔洽蒸為靈傑得一人焉

可以不朽矧上下數百年偉人碩士流風
餘韻著之簡冊足增邦邑之光將向之景
行乎健餘先生而思一為憑覽者彌神往
於蠡吾博陵間也余叨窺中秘職司文獻
異日者採之以為史家用抑亦茲役之蕪
為蒐羅者矣興懷好我不揣固陋爰以數
言綴於簡端

乾隆三十一年歲次丙戌冬十月既望

賜進士出身 誥授光祿大夫經筵講官吏部

博野縣志

卷首 序文

左侍郎正黃旗漢軍副都統總管內務府
大臣兼管國子監事教習庶吉士提督順
天學政加五級吉林德保撰



博野縣志目錄



署知縣環山吳鏊重修

卷壹

建置

星埜

疆域

山川形勢民風物產

田賦

戶役

經制

博野縣志

卷首目錄

卷二

政事

倉廩

學校

秩祀

陵墓

古蹟

坊表

卷三

職官

知縣教諭訓導典史把總

卷四

選舉

薦辟進士舉人貢生武科封廕

卷五

名宦

鄉賢

忠義

節孝

卷六

儒林

博野縣志

卷首目錄

文苑

仕績

卓行

列女

卷七

藝文

卷八

詩賦

凡例

一正名目縣之有志原備國史採擇分門別類當以廿二史爲宗方合義法舊志杜撰無稽今悉更正

一尚體要門類之分原爲便於省覽若太繁瑣反易混淆如博野本無山川亦少形勝何必多立條目卽民風物產要皆本乎地也悉入疆域之中以歸簡易至於政事學校秩祀古蹟中有附錄亦皆倣此

博野縣志

卷首

凡例

三

一斥淫祀淫祀無福載在禮經自爲儒術所必斥陸清獻公修靈壽縣志悉行屏絕義例昭然故雖以城內之雲巖寺枯柏榮分宋邨之靈光塔建自盛唐千載流傳亦不闕入

一遠鄙倍諺語傳聞有益治理亦可附錄若如舊志所載八景牽引不倫以及蠡邨之貨郎疙疸杜家莊之桃園毆姪祥異好怪傳疑多誣徒惑民聽今概從刪

一崇典禮舊志條列人物未免輕心掉之況名宦

鄉賢忠義節孝四祠出于特建何等優崇今卽敬用標名以昭鉅典

一揚善類史有儒林文苑卓行列女諸傳當代不過數人以小邑而頻書似屬冒濫不知天下之善士千里曠若比肩國士亦自無雙而忠信之人則十室必有學歸于善莫非同類今亦在鄉言鄉耳君子猶以爲少也

一徵文獻凡志皆載藝文而舊志屏置不錄是以千百年來荒畧無徵今從藏書石刻廣爲採輯附以詩賦聊見大意比年文教日興篇章斯盛然無關風化者亦不濫載

一留餘地志書之有職官選舉固積日而更新其爲名宦鄉賢亦閱時而行立近則十年遠則必世見聞相接卽宜增修若連篇累牘則難補入今于各類之末卽爲斷簡以俟他年續纂庶幾無棄前功

博野縣志

卷首

凡例

四

批詳

博野縣爲遵奉

新例呈請查核事竊

卑職

署理縣事五月有餘

凡地方諸務無不留心整飭披閱舊志刻自康

熙十五年殊多荒畧迄今九十餘載并未續纂

文獻無徵末由考信聞得邑人在制前濟東道

尹家有藏書公議重修現在率同諸生纂輯

成編伏查乾隆三十壹年二月內禮部抄出

大學士忠勇公傳等議覆浙江巡撫熊具

博野縣志

卷首批詳

五

奏遂安縣志書壹摺內稱修輯志書原係地方

公事如或紳士自行經理編纂付梓亦所弗禁

其現在修輯之志書令學臣查核再行刊刻等

因通行在案今有新修博野縣志八卷理合照

例呈請

憲臺查核仰懇

批發以便刊刻爲此備由具申伏祈

照詳施行

經筵講官提督順天等處學政吏部左侍郎正黃旗

漢軍副都統總管內務府大臣兼管國子監事
務教習庶吉士加五級德批

據送新修志書八卷典核詳明具見留心吏治
殊屬可嘉本部院閱畢卽行付梓可也此繳

乾隆三十壹年十月初四日署知縣吳鏊

博野縣志

卷首批詳


六

輿圖

博野縣志

卷首 輿圖


七



博野縣志

卷首 輿圖


八



界至平安至南

西至祁州十八里

北至清苑縣界三十里



博野縣志

卷首輿圖

九

東至劉陀店二里蠡縣劉陀五里
東南至東王各莊十二里南小王村十五里寇家莊十五里遷家莊十八里董家莊二十里梁家莊二十二里解村營二十二里解村二十五里許村三十里宋家莊二十五里劉村二十五里宋村二十五里夾河二十八里維新村三十五里小程委二十五里程委三十里張家莊三十里程六市三十里頓家莊三十八里莊合頭三十五里北辛莊三十五里鐵燈蓋三十六里新辛莊三十七里杜家莊三十七里程市毋三十二里耿家莊三十六里田家莊三十八里東楊村四十里鳳凰堡四十里范家莊四十二里兩合程四十二里
東北至龍堂村十里東墟十二里張岳十三里大墟十三里大齊十三里小莊頭十五里東陶墟十八里
西至北白沙村二里杜家莊八里莊頭營九里莊頭十里馮村十里金阜堡十二里

博野縣志

卷首鄉里

西南至南白沙村三里小苑村十里高家莊十一里大苑村十二里南婁十三里西王毋十三里東王毋十三里徐家營十二里王家營十里王各莊十五里
西北至北堤閣十五里北彥十六里東章十七里北楊村十八里窩頭十九里西許村二十里小西章二十里大西章二十一里城東三十里蠡村三十里于隄三十里南王三十一里寺上三十一里南至劉家莊二里周家營五里南楊村十五里苑郭莊十六里全連十五里堤頭十八里白塔十九里淮南二十里套裡二十五里板橋三十二里熙合莊三十八里安平縣秦王莊三十里
北至屯莊三里屯莊營四里戴家莊七里陳村八里西墟十里西田十二里南邑十三里蘆村十三里南田九里北邑十四里苑家莊十三里杜村十五里小店十八里南祝十六里北祝十六里北小王十五里閭家莊二十二里譚家莊二十二里王家莊二十三里吳家莊二十三里胡家莊二十三里
里油李舖二十二里修家莊二十五里米家莊二十六里蕭家莊二十七里曹家莊二十八里趙家莊二十八里白家莊二十八里魏家莊三十里清苑縣半壁店三十五里

博野縣志卷壹

建置

先王體國經野首重辨方後世隨時制宜亦皆因地博陵之名由來久矣爲郡爲縣歷代屢遷今據載籍之可稽者采輯爲志

職方云博野居博水之野故名在唐虞夏商爲冀州之域延及春秋晉荀吳伐鮮虞遂爲晉地三家分晉地始屬于趙及秦始皇兼併四海分天下爲三十六大郡地屬上谷漢高帝十二年改上谷爲燕

博野縣志

卷壹

建置

壹

國分置涿郡割蠡吾九州縣隸之地屬蠡吾東漢元初六年詔封蠡吾先侯爲孝崇皇立陵廟設博陵縣置令丞以奉祀時屬中山國後改爲博野縣獻帝初平元年改爲博陵國魏晉改爲博陸縣屬高陽國後魏復爲博野縣屬瀛州部北齊廢蠡吾入博野隋以博野隸河間郡仍北齊之舊有君子淀唐初置博陵郡貞觀六年隸瀛州未久改屬深州後周顯德六年屬定州宋太宗雍熙三年屬永寧軍真宗景德元年改屬河北道祥符中屬中山

府徽宗宣和七年廢蠡州爲博野縣靖康八于金

金置博野郡後改蠡州至元三年省入蒲陰縣三

十壹年復立縣屬保定路明洪武元年遷于蠡州

西南十八里隸祁州六年徑隸保定府永樂二年

遷山西夏縣民居焉編戶十八里

國朝因之編戶二十里

城在平地周圍四里壹十九步高二丈八尺濶壹

丈五尺池濶二丈深壹丈明洪武三年知縣杜泰

亨創基天順二年知縣唐謙新之後知縣裴太汪

博野縣志

卷壹

建置

二

大章相繼修築正德六年知縣李延齡備禦流賊偕生員鄭遇明等內加厚五尺外築護城堤濶壹丈高倍之崇禎十三年知縣宋珍始砌以磚門三東曰慶陽西曰鎮武南曰宣慶日久傾圯現在估修

縣治在城中稍西卽古博陵地自漢以來改屬不壹官舍如故明洪武三年知縣杜泰亨修葺永樂二年知縣喬俊增置儀門倉庫廨舍如式嘉靖五年知縣王尙志立申明亭旌善亭預備倉縣獄左

爲鄼侯祠右爲土地祠東司房五楹西司房五楹
琴堂三楹堂右爲藏庫前爲露臺東設日晷堂後
川堂三楹又北牧愛堂三楹又後爲內宅崇禎十
壹年毀于兵燹十二年知縣宋珍修琴堂

國朝順治九年知縣柯榮修內宅其西爲典史宅

慶陽街在縣治東鎮武街在縣治西宣慶街在縣
治南丁字街在縣治中東關在慶陽門外西關在
鎮武門外南關在宣慶門外牛市街在丁字街
南迤西學衙街在縣治東迤北五馬坊衙街在縣

博野縣志

卷壹

地理

治西迤北

星埜

易曰觀乎天文以察時變觀乎人文以化成天
下勢若懸絕理實相通九州肇封上應列宿卽
百里之內亦分躔度其政事之休咎每與五行
有徵洪範所言良不誣也謹識其端以備參攷
春秋元命苞云箕星散爲幽州分爲燕國畢昴散爲
冀州分爲趙國史記云尾箕幽州昴畢冀州漢書
云燕地尾箕分野趙地昴畢分野文獻通考云尾
箕分燕幽州昴畢分趙冀州今觀上谷入尾壹度
在博野北九十里安平入畢四度在博野南五十
里中山入昴壹度在博野西九十里河間入畢壹
度在博野東九十里以此推之則博野天文當在
尾畢昴之間矣

尹畊曰衆星者萬物之精質具于地而氣形于天分
野者周天之次舍懸象于上而示法于下考壹國
之休咎則國星是稽察諸變之凌犯則分野必辨
迤並行者也又五星以辰爲燕趙蓋辰爲水星司
北方治元冥之區故其屬如此

博野縣志

卷壹

星埜

四

疆域

仰以觀於天文又必俯以察於地理然後幽明之故可得而知也易傳言之切矣縣域分疆而山川形勝以及民風物產莫不殊觀爲政者因其勢而利導之庶幾地不愛寶乎爰陳其畧以待潤澤

博野在保定府正南九十里地處平原東西廣二十里南北袤六十里東五里至蠡縣界西十五里至祁州界南三十里至安平縣界北三十里至清苑

博野縣志

卷壹 疆域

五

縣界西北三十五里至望都縣界東南四十里至饒陽縣界北至

京都四百三十里

在城社密邇城邑雜居市井分白沙劉陀等村

沙窩社距縣十里分馮苑等村

楊村社距縣十八里分王母劉家莊同林等村

滋東社距縣二十五里分板橋辛莊和程等村

滋西社距縣二十里分淮市套裏白塔等村

宋村社距縣二十里分堤頭劉村等村

程委社距縣二十五里分程召程六市夾河等村

東陽社距縣四十里分孟家莊堤圈鐵燈蓋等村

東河社距縣十五里分王家莊大齊張岳淋漓等村

解村社距縣二十里壹社同處外無分村

陶墟社距縣十八里分東西二陶墟村

西墟社距縣十里分大墟東墟龍塘等村

屯莊社距縣四里分陳村西田南田等村

南邑社距縣十里分北邑盧村等村

杜村社距縣十五里分小店閻家王家修家等莊

博野縣志

卷壹 疆域

六

油李社距縣二十里分高家胡家蕭家等莊

北祝社距縣十五里分南祝小王楊村等村

北顏社距縣十五里分東章西章等村

城東社距縣二十五里分南王于堤寺上蠡村等村

三遷社分南小王遷家莊王家莊等村

在城集在三關每關十日逢二七四九日開市程委

村集逢二七日套裏集逢五十日東陽集逢二七

日東許村集逢壹六日小店集逢壹六日南小王

集逢三八日南邑集逢五十日西許村集逢五十

日南楊村集逢壹六日北楊村集逢三八日

山川

龍岡虬折蟾水珠浮

紫薇山又名紫薇阜在盧村紫氣浮騰土色煥赤前

有扁鵲墓

興隆岡在西章村中心高聳洪水不能沒

沙岡在蠡村勢亘數里

卧龍岡在白塔村

秦堤在縣南秦始皇築起自定州止于堤頭村

博野縣志

卷壹

疆域

七

堤圍堤勢長數里

淶水堤近西章河成化年築

宋村堤明嘉靖年築

套裏宋村解村等堤康熙年間知縣郭堯都築

滋河沙河唐河自祁州三岔口合流入本縣套裏村

由董家莊過蠡縣下達白洋淀名爲猪龍河

蟾河又名蟾溪在宋村北因唐時有蟾酥取以入貢

故名

西章河由小店達安州

神渚在堤頭村西

池現在宣慶關心其水經年不涸本關文風攸賴

慶陽橋在縣東門

鎮武橋在縣西門

宣慶橋在縣南門

陶墟橋在陶墟店南

小店橋在小店村南

大夫橋在西章村東明都御史吳櫝創建

淑人橋在西章村西王淑人創建

博野縣志

卷壹

疆域

八

惠濟橋在板橋南

形勝

東望蠡塔西連鮮虞南流滋水北拱金臺倚重三關之險控扼幽燕之衝

民風

土瘠嚮義俗樸少文男務耕讀女專織紡服以木棉屋蔽風雨大族巨裔婚不論財民無遊食官多永久厥後生齒日繁奢靡相尚豐年尚不敷用凶歲更難支持邇流窮源固多耗於淫祀亦由習于撙

蒲也

物產

麥之屬有小麥有大麥有春麥而蕎麥爲下○宋紹

興元年博野麥生壹本五穗

見府志

穀之屬有黍有稷有粟有秠而萁稗爲下

菽之屬有黃豆有黑豆有白豆有萊豆有赤豆有莞

豆有豇豆有扁豆有青豆有黎豆而菜豆爲下

麻之屬有芝麻有庠麻有郝麻而繅麻爲繩則宜

蔬之屬有芹有芥有葱有韭有匏有茄有白菜有苦

博野縣志

卷壹

疆域

九

菜有萵苣有藤蒿有蓴菱有葫蘆有蘿蔔有蔓菁

而馬齒莧尤爲易生

果之屬有桃有李有杏有棗有梨有蘋果有甜果有

葡萄而杜梨酸棗爲下

木之屬有楊有柳有榆有椿有槐有桑有柏而垂楊

最少

瓜之屬有西瓜有東瓜有王瓜有甜瓜有菜瓜有南

瓜有絲瓜有北瓜而苦瓜爲下

花之屬有芍藥有蓮花有菊有海棠有探春有迎春

有紫荊有雞冠有月吉有鳳仙有石榴有玉簪有

棣棠有丁香有牽牛有薔薇而蜀葵最多

草之屬有萱有蒿有蘆有葦有蓬蒿有蒼耳有蒺藜

有落藜而苜蓿爲適用

藥之屬有兔絲子有槐子有紫蘇子有紅花子有遠

志有艾有杞子有車前子有地丁有薄荷而馬兜

苓亦多

禽之屬有雞有鶩有鴨有鵲有鴟鴞有鴝鵒有慈烏

有布谷有啄木有蝙蝠而燕雀最多

博野縣志

卷壹

疆域

十

獸之屬有牛有羊有犬有馬有驢有騾有猪其小者

則爲貓鼠兔狐

鱗之屬有鯉有魴有鯽有鮎而鯁爲下

介之屬有蟹而不多見

食貨之屬有油有酒有醬有醋有蜂蜜有蘑菇有豆

腐有紅花有黃蠟有布有絲而木棉爲盛

器用之屬有蓆有繩有蒲扇有掃帚而桑皮紙亦間

爲之

國朝康熙九年小王村地生芝形如虬鱗文如牡丹

田賦

粵稽禹貢成賦中邦咸則三壤底慎之意深矣而冀州之田厥惟中中賦則上上甸服固綦重也歷代相承末由追溯謹據現行條款絲分縷析以奉惟正之貢

原額民地三千二百六十八頃七十三畝九分九釐三毫四絲徵銀二萬四百七十八兩壹錢八分七釐自康熙二年至乾隆三十年節次清丈溢額及收回荒地各項續增實在行糧民地三千七百三

博野縣志

卷壹

田賦

十一

十三頃九十四畝四分四釐四毫壹絲

內優免地三百八十八頃五十三畝八釐每畝原徵銀六分六釐壹毫共徵銀二千五百六十九兩壹錢壹分壹釐

行差地二千五百三十二頃三十二畝壹分七釐三毫壹絲每畝原徵銀六分六釐壹毫二絲共徵銀壹萬六千七百四十四兩六錢六分二釐

雍正二年將人丁攤入地糧增爲七分九釐八毫壹絲

二頃共徵銀二萬三千三百十二兩二錢四分二釐

釐

額外有康熙二十九年翟高儒買回河間縣白續易更名地十二頃十六畝壹分七釐每畝徵銀六分六釐壹毫共徵銀八十兩四錢壹分八釐

裁定州衛歸併本縣備荒地壹頃五畝每畝徵銀壹分共徵銀壹兩五分

康熙二十七年奉裁騰驤衛歸併本縣存剩原額地四十五畝每畝徵銀壹分四釐壹毫九絲共徵銀

博野縣志

卷壹

田賦

十二

六錢三分八釐六毫每畝徵本色黑豆四合三勺共徵本色黑豆壹斗九升七合壹勺

清查自首地二頃五十五畝每畝徵銀壹分二釐共徵銀三兩六分

康熙二年開墾溝渠壕塹三十五畝三釐每畝徵銀六分六釐壹毫共徵銀二兩三錢壹分六釐

清查自首閃出河淤地二頃壹畝五分每畝徵銀六分六釐壹毫共徵銀十三兩三錢二分四釐

康熙七年開墾河淤荒地六十八畝四分四釐六毫

每畝徵銀六分六釐壹毫共徵銀四兩五錢二分六釐

康熙十壹年蘇錫自首河淤地二十九畝每畝徵銀六分六釐壹毫共徵銀壹兩九錢壹分八釐

康熙十六年清查自首河淤地五十九畝八分四釐每畝徵銀六分六釐壹毫共徵銀三兩九錢五分七釐

康熙二十三年開荒二十九年起科地三十五畝每畝徵銀六分六釐壹毫共徵銀二兩三錢壹分四釐

博野縣志

卷壹 田賦

十三

釐

康熙二十六年開荒三十二年起科地七十壹畝六分每畝徵銀六分六釐壹毫共徵銀四兩七錢三分四釐

康熙十六年增入舊額屯地壹頃二十二畝每畝徵銀壹分二毫共徵銀壹兩二錢五分

康熙四十八年周蒲璧等買回河間縣錢允文受補馬廐地十二頃五十九畝四分五釐每畝徵銀三分八毫共徵銀三十八兩八錢五分五釐五毫

雍正十年楊安行等買回河間縣李業偉受補屯衛地七頃九十九畝三毫每畝徵銀八釐八毫共徵銀七兩七分二釐

太僕寺項下收回原撥河間縣嫌荒退回牧馬荒地十八頃四十五畝五釐壹毫每畝徵銀壹分八釐九絲共徵銀三十三兩三錢九分三釐

乾隆三年收回代徵河間縣更名卽皇莊地三十二頃五十八畝六分五釐每畝徵銀三分二釐八毫共徵銀壹百七兩五分五毫

博野縣志

卷壹 田賦

十四

馬廐地十七頃六十九畝七分九釐四毫每畝徵銀三分八毫五絲共徵銀五十四兩六錢

屯衛地三百八十九頃七十三畝四分五釐三毫每畝徵銀八釐八毫共徵銀三百四十四兩九錢六分壹釐

民荒地二百八十六頃七十畝九分四釐三毫每畝徵銀壹分四毫共徵銀二百九十八兩二錢九分八釐

更名卽太監地二十四頃八十九畝二分六釐壹毫